

SCOLA MEDIA D'INFORMATICA (SMI)

La scola media d'informatica cumbinescha ina scolaziun orientada a la professiun en il sector dal svilup d'applicaziuns ed ina furmaziun da savida generala vasta. Quella scolaziun sa drizza a scolaras e scolars cun bunas prestaziuns che van gugent a scola e che han grond interess per informatica ed economia. La scola media d'informatica suonda a la terza classa dal stgalim secundar I e dura en tut quatter onns. Quels sa cumponan dad ina furmaziun scolastica da 3 onns e dad in praticum professiunal dad 1 onn suenter la furmaziun scolastica. La furmaziun maina a l'**attestat federal da qualificaziun informatica u informaticher AFQ** en direcziun svilup d'applicaziuns sco er a la **maturitad professiunala en direcziun economia e servetschs**, tip economia. Questa scolaziun vegn purschida en il Grischun da las suandantas scolas:

Center da furmaziun Surselva, Glion www.bzs-surselva.ch

Scola chantunala grischuna, Cuir www.bks.gr.ch

Scolaziun

La furmaziun d'informatica cuntegn 24 moduls à 40 lecziuns durant la scola a temp cumplain. Ultra da quai visitan ils scolars/las scolaras durant il temp da scola 7 curs à 5 dis ordaifer il manaschi.

Il plan d'instrucziun cuntegna per regla ils suandants roms:

Roms fundamentals

Emprima lingua naziunala (Deutsch, rumantsch/Deutsch, italiano¹)

Segunda lingua naziunala² (tedesco, franzos, talian)

Terza lingua (anglais)

Matematica

Roms d'accent

Finanzas e contabilitad

Economia e dretg

Roms complementars

Istorgia e politica

Tecnica ed ambient

Roms d'instrucziun supplementars

Cumpetenzas d'informatica

Sport

¹ Talian sco emprima lingua (lingua materna) pretenda tudestg sco segunda lingua naziunala

² Rom d'elecziun obligatoric franzos u talian

Practicum

Tut tenor purschida ha gia lieu in emprim praticum durant ils emprims trais onns da scolaziun. Quel dura ca. 20 dis. Durant il quart onn absolvan las scholaras ed ils scholars in praticum da lunga durada che cumpiglia 220 dis. Uschè han els la pussaivladad da duvrar ils cuntegns ch'els han emprendì en scola a moda pratica durant in praticum en in manaschi e pon uschè approfondar lur savida. Ils scholars/las scholaras tschertgan sezs lur piazza da praticum. Els vegnan dentant sustegnids da la scola tar la tschertga e durant il praticum. La paja mensila da praticum munta ca. tranter CHF 1'400 e CHF 1'500.

Admissiun

Per l'admissiun ad ina scolas media d'informatica SMI sto vegnir dumagnà in examen d'admissiun chantunal unitar ad ina scola media grischuna. L'examen d'admissiun chantunal è reussì sche la media da l'examen cuntanscha la valur 4.0 e sche las divergenzas da las notas dals roms d'examen vers engiu cun la nota 4.0 n'importan betg dapli che 0.75 puncts.

Examinads vegnan ils suandants roms: emprima lingua (tudestg, rumantsch u talian), englais, aritmetica, algebra e geometria. Ils examens pon vegnir absolvids en la 2. u en la 3. classa da la scola superiura.

In'admissiun a l'examen d'admissiun chantunal è pussaivla fin e cun quel onn chalendar, en il qual la candidata u il candidat daventa maioren.

Per las candidatas ed ils candidats da la 2. classa secundara quinta la nota d'admissiun sco ulteriura nota da rom. Quella vegn calculada ord la media da las notas dals roms geografia, istorgia, natira e tecnica, art figurativ, chant e musica, moviment e sport e segunda lingua dal emprim semester da la 2. classa secundara. S'inscriver per ils examens d'admissiun pon ins sut il suandant link: www.zap.gr.ch. Ulteriuras infurmaziuns davart l'examen d'admissiun sa chattan sin la pagina d'internet da l'Uffizi per la furmaziun media-superiura (www.ahb.gr.ch).

La scolaziun cumenza dentant en mintga cas pir suenter la 3. classa superiura.

Midada en la scola media commerciala, spezialisada u gimnasiala

Las scolas medias pon admetter scholaras e scholars sin il cumenzament da l'onni da scola ad ina partiziun da scola media senza ch'els fetschian in examen d'admissiun chantunal. Las cundiziuns d'admissiun per quest intent vegnan regladas en l'ordinaziun davart la procedura d'admissiun a las scolas medias (vesair www.ahb.gr.ch).

Pussaivladads da sa furmar enavant

L'attestat federal da qualificaziun informatica u informaticher AFQ pussibilitescha l'access direct en la pratica professiunala u l'access ad ina scola spezialisada superiura SSS en il sector d'informatica.

La maturitad professiunala pussibilitescha l'access a scolas autas spezialisadas SAS sco er ad ina scola auta da pedagogia u via ina ulteriura passarella a l'universitad cun in modul complementar (examen da passarella).

► Ulteriuras infurmaziuns

e sustegn obtegnais Vus en il BIZ. L'adressa dal BIZ en Vossa vischinanza chattais Vus sut:

www.berufsbildung.gr.ch → Rumantsch → Sur da nus → Lieu ed adressa → Cussegliaziun da professiun, da studi e da carriera, mail: biz@afb.gr.ch

Funtauna: Uffizi per la furmaziun media-superiura: www.ahb.gr.ch, Scola chantunala grischuna: www.bks.gr.ch, Center da furmaziun Surselva www.bzs-surselva.ch